

圈點

百子全書

掃葉山房發行

卷一百一十五

百子全書

華英書局發行

焦氏易林卷四

井之第四十八

井 躓跛未起。失利後市。不得磨子。

乾 左輔右弼。金玉滿堂。常盈不亡。富如版倉。

坤 雨師娶婦。黃巖季子。成禮既婚。相呼南去。膏澤下土。年歲大喜。

屯 螟蟲為賊。害我嘉穀。盡禾殫麥。家無所食。

蒙 跛躓難步。遲不及舍。露宿澤阪。亡其襦袴。

需 大夫行父。无地不涉。為吾相土。莫如韓樂。可以居止。長安富有。

訟 少孤无父。長失慈母。悖悖焚焚。莫與為耦。

師 側弁醉客。長古作凶。披髮夜行。迷亂相誤。亡失居處。

比 馬驚車破。王墜深津。身絕魂去。離其室廬。貞難无虞。

否 東行述職。征討不服。侵齊伐陳。銜壁為臣。大得意還。

履 百足俱行。相輔為強。三聖翼事。王室寵光。

泰 根本不固。華葉落去。更為孤嫗。

否 牧羊稻園。聞虎喧謹。畏懼怵惕。終無禍焉。

同人 履位乘勢。靡有絕弊。為隸所圖。與眾底位。

大輿多塵。小人傷賢。皇甫司徒使君失家。
謙安如泰山。福祿屢臻。雖有狼虎。不能危身。
豫同氣異門。各別西東。南與凶遇。北傷其孫。
隨蛻見不祥。禍起我鄉。行人畏懼。邑客逃藏。
蠱養虎畜狼。還自賊傷。无事招禍。自取灾殃。
臨順風吹火。幸附驥尾。易為功力。因權受福。
觀五岳四瀆。沾濡為德。行不失理。民賴恩福。
延陵聰敏。聽樂太史。雞鳴大國。姜氏受福。
賁神鳥五色。鳳凰為主。集於王國。使君得所。
剝媒妁无明。雖期不行。齊女長子。亂我紀綱。
復明月作晝。大人失居。眾星宵亂。不知所據。
无妄少康興起。誅澆復祖。微滅復明。享祀大禹。
大畜千門萬戶。大福所處。黃屋左纛。龍德獨有。
頤乾作聖男。坤為智女。配合成就。長生得所。
大過昇張烏號。殷射驚狼。鐘鼓夜鳴。將軍壯心。趙國雄勇。鬪死滎陽。
坎災魚銅斗。張伺夜鼠。不忍香味。機發為祟。祟在頭頸。

離 高飛不視貪饕所在。臭腐為患。自害其身。一作竊位貪暴內汚外清時時暫過日日禍生

咸 鉛刀攻玉。堅不可得。盡我筋力。胝胼為疾。

恒 方喙宣口。聖智仁厚。解釋倒懸。厯國大安。

遯 踟躕南北。誤入喪國。杜李利兵。傷我心腹。

壯大 公孫之政。惠而不煩。喬子相國。終身无患。

晉 弧矢大張。道絕不通。小人寇賊。君子壅塞。

夷明 藏戟之室。封豕受福。充澤肥腴。子孫蕃息。

人家 八子同巢。心勞相思。雖苦無憂。

睽 循理舉手。典求相予。六體相磨。終无殃咎。

蹇 公子王孫。把彈攝丸。發輒有獲。室家饒足。

解 井渚有悔。渴蛻為怪。不亟徙鄉。家受其殃。

損 鄭澮有聲。國亂失傾。弘明早見。止樂不聽。

益 穿室鑿墻。不直生訟。褰衣涉河。雖勞无功。

夬 胎卵免乳。長大成就。君子萬年。動有利得。

姤 五心乖離。各引是非。莫適為主。道路壅塞。

萃 百柱載梁。千歲不僵。大願輔福。文武以昌。

升營城洛邑。周公所作。世連三十年。歷七百。福佑豐實。堅固不落。連一作運

因從叔旅行。食於東昌。嘉伯悅喜。與我芝香。一作井

革牛耳聾。不曉聲味。委以鼎俎。方始亂憤。一作井

鼎訾姬開門。鶴鳴彈冠。文章進用。舞韶和鸞。三仁翼政。國无災殃。

震遊魂六子。百木所起。三男從父。三女隨母。至已而足。各得其所。

艮兩山崩使。莘君殞好。皇女長婦。多孫眾子。

漸黃虹之野。賢君所在。榮段為相。國无灾殃。

歸妹穿鑿道路。為君除舍。開闢福門。喜在我隣。

豐商風數起。天下昏晦。旱魃為虐。七凡兵作。

旅自衛反魯。時不我與。冰炭異室。仁道閉塞。

巽春陽生草。夏長條枝。萬物蕃滋。充實益有。

兌六蛇奔走。奔入茂草。驚於長往。畏懼喙口。

渙明月照夜。使暗為晝。國有仁賢。君尊於故。

節避地東走。反入虎口。制於爪牙。骨為炙土。

中傾迭不行。弱走善僵。孟繁元良。失其寵光。

過小十年俱見。黃頭為首。歲尾民安。國樂无咎。

濟既望風入門。來到我隣。鋪吾養均。

登高連返。視失彌遠。虎口不張。害賊消亡。

革之第四十九

革馬服長股。宜行善市。皆蒙福佑。獲金三倍。

乾高原峻山。吐大少泉。草木林麓。喜得所蓄。

坤一門二關。結緝不便。峻道異路。日暮不到。

屯憂患解除。喜至慶來。坐立懼門。與樂為隣。

蒙踈類異路。心不相慕。牝牛牡猴。繹无室家。

需太王為父。王季孝友。文武聖明。仁政興起。旦隆四國。載福綏厚。

訟臨河求鯉。燕婉失餌。屏氣攝息。不得鯉子。

師買利求福。莫如南國。仁德所在。金玉為質。

比白虎赤憤。闚觀王庭。宮闕被甲。大小出征。天下煩憤。育不能嬰。

畜小子車鉞虎。善人危殆。黃鳥悲鳴。傷國无輔。

履兩目失明。日暮无光。脛足跛步。不可以行。頓於邱傍。

泰羅網四張。鳥无所翔。征伐困極。饑寒不食。寒又作窮

否伯夷叔齊。貞廉之師。以德防患。憂禍不存。歸妹之臨泰之乾比之剝

同疾貧望幸。使伯行販。開牢擇羊。多得大祥。夫之觀否之坎

有大南山之楊。其葉將將。嘉樂君子。為國寵光。

謙東壁餘光。數暗不明。主母嫉妬。亂我事業。

豫迷行晨夜。道多湛露。沾濡襦袴。重不可步。

隨目睏足動。嘉喜有頃。舉家蒙寵。

蠱鷹鷄欲食。雉兔困急。延頸見尾。為我所賊。

臨鼻移在項。枯葉傷生。下枯上榮。家擾不甯。失其金城。

觀飛不遠去。汝為內傷。祿養未富。終无災咎。君善安止。

噬倒基敗管。重舌作凶。被髮長夜。迷亂相誤。深亡吉居。

賁亥午相錯。敗亂緒業。民不得作。

剝野麋畏人。俱入山谷。命短不長。為虎所得。死於牙腹。

復秋冬探巢。不得鵲鷄。銜指北去。愧我少姬。觀之屯

无妄雙鳬俱飛。欲歸稻池。經涉荏澤。為矢所射。傷我胸臆。屯履咸同

大畜天門開闢。牢戶寥廓。桎梏解脫。拘囚縱釋。小畜之泰蹇之謙

頤尼父孔丘。善釣鯉魚。羅網一舉。得獲萬頭。富我家居。

大過彭生為妖。暴龍作災。盜堯衣裳。聚跖荷兵。青禽照夜。三旦夷亡。

坎 華言風語。亂相誑誤。終无凶事。安寧如故。成之順

離 延頸見足。身困名辱。欲隱避仇。為害所滅。

咸 无足斷跟。居處不安。凶惡為殘。君臣相得。一作君臣得安。和合於天。保下莫上大相蒙湛。

恒 三人俱行。北求大祥。孟長病足。倩季負囊。柳下之貞。不失我糧。

遯 退飛見祥。傷敗毀墜。守小失大。功名不遂。

壯 持心懼怒。善搖數動。不安其處。散渙府藏。利得无有。

晉 牽尾不前。逆理失臣。惠朔以弁。

夷 祿如周公。建國洛東。父子俱封。

家人 君有八人。信允篤敏。為堯所舉。

睽 久陰霖雨。泥塗行潦。商人休止。市空无寶。

蹇 无足斷跟。居處不安。凶惡為殘。大過

解 馬蹄躓車。婦惡破家。青蠅汚白。恭子離居。

損 噂噂所言。莫如我垣。歡喜堅固。可以長安。乾之困大有之屯復之順

益 懿公淺愚。不受深謀。无援失國。為狄所滅。

夬 騏驥綠耳。章明造父。夙伯所獻。襄續厥緒。佐文成伯。為晉元輔。節之泰

姤 駕車十里。求鮮魴鯉。非其肆居。自令後市。

萃求聲嘉鄉。惡地不行。道止中返。復還其牀。

升使鳩負裝。醉卧道傍。不知何公。竊我衣囊。

困登崑崙。入天門。過槽丘。宿玉泉。同惠歡。見仁君。比之始震之革

井水為火壯。患厭不起。季伯夜行。與善相逢。

鼎為孫氏女。深目黑醜。嗜欲不同。過時無耦。

震子鉏執麟。春秋作陰。元聖將終。尼父悲心。豫之大

艮灼火泉源。釣魴山巔。魚不可得。火不肯燃。鼎之

漸天馬五道。炎火久處。往來上下。作文約已。衣袞絲麻。相隨笑歌。凶惡如何。

歸妹鵠鴉破斧。中人危殆。賴旦忠德。轉禍為福。危傾復立。否之

豐壯飛闕。啓憂患大解。不為身禍。需之兌同人之

旅石門晨啓。荷簣食貧。遁世隱居。竟不逢時。

巽兔聚東郭。眾犬俱獵。圍缺不成。无所能獲。

兌三羊羣走。雉兔驚駭。非所畏懼。自令勞苦。

渙羽翮病傷。无以為強。宋公德薄。敗於水泓。

節姬姜稚叔。三人偶食。論仁議福。以安王室。

中精誠所在。神人為輔。德教亡患。彌世長久。三聖仍事。多受福祉。

過小 歧周海隅。獨樂不憂。可以避難。全身保財。

濟既 孤獨特處。莫為依輔。心勞志苦。

濟未 顧望登臺。意常欲逃。賈辛醜惡。妻不安夫。

鼎之第五十

鼎 積德之君。仁政且溫。伊呂股肱。國富民安。

乾 傾筐卷耳。憂不能傷。心思古人。悲慕失母。

坤 卻叔賈賁。行祿多悔。利无所得。

屯 蹶足狂跳。恠碎不行。棄捐乎人。一作棄捐乎人。名字无申。

蒙 文王四乳。仁愛篤厚。子畜十男。夭折无有。

需 容民畜眾。不離其君。

訟 三雛相逐。蠅墜釜中。灌洗淹殮。與母長訣。

師 所望在外。鼎令方來。拭爵滌壘。炊食待之。不為季憂。

比 陸居少泉。高山无雲。車行千里。塗汚爾輪。亦為我患。

畜 東家殺牛。汚鼻腥臊。神背西顧。命絕哀周。毫社災燒。宋人夷誅。朕之明夷

履 長子入獄。婦饋母哭。霜降旬日。嚮晦伏法。

泰 溫山松栢。常茂不落。鳳凰以庇。得其歡樂。

否 大屋之下。朝多君子。德施溥育。宋受其福。

同人 羅張目列。圍合有缺。採捕无功。魚鳥得脫。

大有 羔裘豹袂。高易我宇。君子維好。至老无憂。

謙 大頭明目。載受福喜。三雀飛來。與祿相得。

豫 銷鋒鑄耜。縱牛放馬。甲兵解散。夫婦相保。晉同

隨 吉日車攻。田弋雙禽。宣王飲酒。以告嘉功。

蠱 商人行旅。資无所有。貪貝逐利。留連王市。輶輳內安。君子何咎。

臨 火入井口。陽芒生角。犯厯天門。窺見太微。登上玉床。家易其公。

觀 秋隼冬翔。數被嚴霜。甲兵充庭。萬物不生。雄父夜鳴。民擾大驚。

噬嗑 東行西步。失其次舍。乾侯野井。昭公喪居。

賁 腫脰病腹。陷廁污辱。命短時極。孤子哀哭。

剝 切膚近灾。虎絕我鬚。小人橫暴。君子何災。

復 女室作毒。為我心疾。和弗能治。晉人赴告。

无妄 兵征大宛。北出玉門。與胡寇戰。平城道西。七日絕糧。身幾不全。

畜大 九子十夫。莫適與居。貞心不壹。至今名孤。

頤 東行稽顙。遂至家園。樂土无災。君子何憂。

過大 作室山根。所以為安。一夕崩巔。破我饗飧。

坎 六人俱行。各遺其囊。黃鵠失珠。无以為明。

離 伯蹇叔盲。莫為守裝。失我衣裘。我是陰邦。

咸 褒寵益尤。敗政傾家。覆我宗國。秦滅周室。

恒 詭言譯語。仇禍相得。冰入炭室。消滅不息。

遯 彭生為妖。暴龍作災。盜亮衣裳。聚跖荷囊。青禽照夜。三日夷亡。

壯 朝露白日。四馬過隙。歲短期促。時難再得。

晉 耳闕道喪。所為不成。所求匪得。

夷明 申公患楚。危不自安。重耳出奔。側畏其魂。

家人 南上泰山。困於空桑。左沙右石。牛馬无食。

睽 海隅遼右。福祿所在。柔嘉蒙禮。九夷何咎。

蹇 陽春生長。萬物茂壯。垂秋布葉。君子比德。

解 低頭竊視。有所畏避。行作不利。酒酸魚敗。眾莫貪嗜。

損 左輔右弼。金玉滿堂。常盈不亡。富如敝倉。師之歸妹

益 坐朝垂軒。據德宰民。虞叔受命。六合和親。

夬 東行西走。喪其犬馬。南求驪騮。失車林下。

始 砥德礪材。果當成周。拜受大命。封為齊侯。

萃 西逢王母。慈我九子。相對歡喜。王孫萬戶。家蒙福祉。

升 安坐玉床。聽韶行觴。飲福萬歲。曰壽無疆。

困 登高望家。役事未休。王事靡盬。不得逍遙。

井 擊鼓陷陳。不得相踰。章甫文德。福厭禍消。

革 追亡逐北。呼還幼叔。至止而復。得歸其室。

震 老猾大偷。東行盜珠。困於噬嗑。幾不得去。

艮 禹召諸神。南山會稽。執玉萬國。天下康寧。始之

漸 忉忉怛怛。如將不活。泰稷之恩。靈輒以存。獲生保年。蒙之

歸 妹叔興起。李子富有。照臨楚國。蠻荆是安。

豐 白馬駿騮。更生不休。富我商人。利得如丘。

旅 灼火泉源。釣魴山顛。魚不可得。火不肯燃。革之

巽 避患東西。反入禍門。糟糠不足。憂動我心。

兑 我王多寵。商人惶恐。生其禍心。使我危殆。終先災咎。

渙 虎飢欲食。見睨而伏。禹通龍門。避咎除禍。元醜以安。

節 安民呼池。玉杯大案。泉如白蜜。一挹獲願。

雙鳬鴛鴦。相隨羣行。南至饒澤。食魚與梁。君子樂長。澤又作洋

過小蔡侯朝楚。留連江渚。踰時歷月。思其君后。

齊既膠車駕東。與雨相逢。五檠解墮。顏杕獨坐。憂為身禍。

齊未螟蟲為賊。害我稼穡。盡禾殫麥。秋无所得。同人之節。豫之譙。

震之第五十一

震枯瓠不朽。利以濟舟。渡踰江海。无有溺憂。

乾陷塗溺。水火燒我履。憂患重累。

坤旦生夕死。名曰嬰鬼。不可得祀。小畜之升。夬之臨。

屯揚水潛鑿。使石潔白。衣素表朱。遊戲臯澤。得君所願。心志娛樂。豫之大過。

蒙眾鳥所翔。中有大怪。九身无頭。魂驚魄去。不可以居。

需別根枯株。不生肌膚。病在於心。日以焦枯。

訟府藏之富。王以振貧。捕魚河海。苦網多得。損之睽。坎之大過。

師一莖九躔。更用牽攀。宿明俯仰。不得東西。請讞當決。日午被刑。

比耄老鮐背。齒牙動搖。近地遠天。下入黃泉。

畜小羊舌叔虎。野心善怒。贖貨无厭。以滅其身。

履謀疑八子。更相欺給。管叔善政。不見邪期。

秦 絆逃不遠。心與言反。尼丘顧家。茅簷朱華。

否 蜉蝣戴盆。不能上山。搖推跌跋。頓傷其顏。

人同 朝露不久。為恩惠少。膏澤欲盡。咎在枯槁。

飲 河伯之功。九州攸同。載祀六百。光烈無窮。

謙 三人北行。大見光明。道逢淑女。與我驥子。

豫 金精耀怒。帶劍過午。徘徊高庫。宿於木下。兩虎相距。弓弩滿野。

隨 江河淮海。天之奧府。眾利所聚。可以富有。安樂无憂。

蠱 不虞之患。禍至無門。奄忽暴卒。病傷我心。

臨 畫龍頭角。文章未成。甘言美語。說辭无名。

觀 缺破不成。胎卵不生。不見兆形。晉之益

噬 旁行不遠。三里反復。心多畏惡。日中止舍。

賁 四瀆不安。兵革為患。掠我妻子。家復飢寒。

剝 喜來如雲。舉家蒙歡。眾才君子。嘉福盈門。朕之豐

復 載金販狗。利棄我走。藏匿淵底。折毀為咎。隨之革

无 日中為市。各抱所有。交易貨賄。玉珠懷寶。心悅歡喜。

大畜 日趨月步。周遍次舍。經歷致遠。无有難處。

頤陽明失時。陰凝為憂。主君哀泣。喪其元侯。

大年衰歲暮。精魂游去。形容消枯。哀子相呼。

坎少无功績。老困失福。跌行跛倚。不知所立。

離持心瞿目。善數搖動。自東徂西。不安其處。渙散府藏。无有利得。

咸齋貝贖狸。不聽我辭。繫於虎鬚。牽不得來。需睽否革同人否隨師

恒老狼白獠。長尾大狐。前顛後躓。岐人悅喜。

遯背地相憎。心志不同。如火與金。君猛臣懼。虎行兔伏。

壯夏臺羨里。湯文厄處。兔侯歡醢。岐人悅喜。

晉牙孽生齒。螳螂啟戶。幽人利貞。鼓翼起舞。

明烈女無夫。閔思苦憂。齊子無良。使我心愁。

家踐履危難。脫厄去患。入福喜門。見我大君。

睽折臂接手。不能進酒。析杞閑曠。神怒弗喜。

蹇蟻封戶穴。大雨將集。鵲數起鳴。牝雞嘆室。相薨雄父。來到在道。

解胡俗戎狄。太陰所積。涸冽沍寒。君子不存。

損翁翁鞫鞫。稍頽崩顛。滅其令名。身不得全。

益螟蟲為賊。害我稼穡。盡禾殫麥。秋無所得。